

УНИНГ ЖАСОРАТИ ҚАЛЪЛАРДА

Наманган вилоят тарих ва маданияти Давлат музейи

илмий Хотира бўлими мудири: **Д.Шайхитдинова**

Иккинчи жаҳон уруши фронтларида Наманган вилоятидан 100 дан ортиқ хотин-қизлар кўнгилли бўлиб ватан ҳимоясига отланди. Тўсатдан бошланган иккинчи жаҳон уруши халқимиз бошига катта кулфат келтирди. 1942 йилнинг қиш фаслида Наманган шаҳрида Мухаббат Исмаиловани Наманган область партия комитетининг биринчи секретари ўз ҳузурига чақирди. Мухаббатхон обком комитетининг биринчи секретари кабинетига кирганда, у ерда Рая Закирова, Фаридaxon Бурнашева каби дугоналари ҳам ўтиришарди. Сизни муҳим иш билан чавирган эдим, деди обком секретари Мухаббатга қараб, сизни фронтга юбормоқчимиз. Бу таклиф сизга қизиқроқ туюлса керак. Мухаббатхон бир зум ўйланиб қолди. Бепоев Россиянинг бағри кенг Украина ва Белоруссиянинг ўт ичида ёнаётгани қишлоқ шаҳарлари унинг кўз олдидан ўтди. Халқимиз бошига шундай оғир кунлар тушган бир пайтда иккиланиб ўтирармидим, деди у дадиллик билан ҳозироқ жўнашга тайёрман. Онам ҳар доим менга “Севикли қизим, азиз Ватан учун фидокор бўл” дердилар.

Мухаббатхоннинг бу жавоабидан секретарь кувониб кетди ва “Раҳмат, сизга соғлиқ, жанговар ишингизда муваффақият тилайман”, деди. У уйига келдию, шошилинич йўл тайёргарлигини кўра бошлади. Шу пайт синглиси Саодат Ҳа қаерга отланияпсиз?, деди Фронтга! деди У ерда ҳам менинг ўрним бор. Бутун кучимиз билан душманни тезроқ дав этишимиз керак.

Мухаббатхон эндигина 8 ёшга тўлган қизи Мукаррам тўғрисидагина ташвиш тортар эди. Лекин синглиси ўз жиянини бағрига босиб, кўзларидан юм-юм ёш тўкиб, уни кўз қорачиғидай сақлашга, тарбиялашга, вояга етказишга ваъда берди.

Намангандан фронтга жўнаётган етти қиз сафига Марғилондан Қодирова, Ҳадича Бакирова, Андижондан Холида Сафаровалар қўшилди. Ана шу кунларда

қахрамон қизил армиямиз Сталинград фронтида душманга қақшатқич зарбалар бераётган эди. Мухаббатхон тушган эшелон ҳам худди шу фронт линиясига келди.

Бу ерда ҳам мамлакатимиздаги турли миллат фарзандлари қатори ўзбек йигитлари ҳам гитлерчиларга қарши қахрамона жанг қилишмоқда эди. Мухаббатхон эпчил, абжир аёл бўлгани учун тезда уруш шароитига кўникиб кетди. У махфий алоқа бўлимида хизмат қила бошлади. Жангчиларимиз орзиқиб кутган кунлар етиб келди. Шонли кўшинларимиз Сталинград муҳофаасидан шиддатли ҳужумга ўтиб, ғарбга томон олға қараб кетишди. Жанг оловларида тобланган Мухаббатхон ғоҳ машинада , ғоҳ пиёда, ғоҳ танкада ўз қисми билан ғарбга қараб борарди . Фронтида ҳам хотин-қизлар даҳшатли жанг шароитида ўз байрамлари 8-мартни нишонлар эдилар. Ўша йили март байрами Сталинград шаҳри яқинидаги Коганин қишлоғида окопда ўтказилди. Солдатлар, офицерлар, хотин-қизлар жангчиларни улуғ байрам билан табриклаб, уларга жанговар ишларида оmod тиладилар.

Мухаббатхон жангчиларнинг туғишган опасидек бўлиб қолди. У ўз вазифасини бажариб бўлгач, қисмдаги солдатларни йиртилган кийимларини ямар, ярадорларга ҳам меҳр билан ёрдам берар эди. У тезроқ ғалаба бонги урилишини , душманнинг ер билан яксон бўлишини кутарди. Мамлакатимизнинг узоқ бир чеккасида Наманган шаҳрида ўсиб улғайган Мухаббатхон Исмоилова гвардиячи старшина унвонини олишга муяссар бўлди. У уруш йилларида Сталинград, Воронеж, Курск, Тула, Полтава, Кривогород, Кременгук ва Днепетровск шаҳарларида бўлган жангларида қатнашди, ярадор бўлди ҳам. Госпиталда ётиб даволанди, тузалиши билан яна фронтга юборилишини талаб қилди. У ўз қисми билан Руминияга келди. Сўнгра Ясси шаҳрини озод қилишда қатнашди. Ниҳоят Берлинда Рейхстагга Ғалаба байроғи тикилган кунни кўриш Мухаббатга насиб бўлди. Мухаббатхон кўкрагини жанговар медаллар билан безатиб, ўз она юртига қайтиб келди. У энди халқ фаравонлиги йўлида хизмат қилди. Мана ўзбек аёлининг фидойилиги, мана ўзбек аёлининг кудрати, мана ўзбек аёлининг матонати, бу матонат ҳозиргача бизнинг ўзбек аёлларимизга авлодлардан мерос бўлиб

келяпти. Мустақил Ўзбекистонда ҳам матонатли, сабрли ўзбек аёлларидан хокимлар, турли соҳаларда раҳбарлар хизмат қилмоқдалар.

Фойдаланилган адабиётлар:

1. .”Мозийдан садо”-илмий-амалий,маънавий-маърифий журнал. 2015-йил.
2. .”Тафаккур”-ижтимоий-фалсафий,маънавий-маърифий журнал.2016-йил.
3. .”Санъат” –Ўзбекистон бадиий Академияси журнали.2013-йил.